

Twieje wird

'T durp is stil, 't liekt verloate
't rimpelt in 't oavendlicht
hugstes 'n paar minse proate
deure dreie langzaam dicht

't durp is muuj, 't is verslaage
't durp dat verloor vandaag
verloor mier dan 't kos verdrage
't waas teveul wat 't zaag

heej stong midde in 't leave
alles wat 'ie zei en doch
doar ging genne weg an neave
heej haj an twieje wird genog

't durp woar 'ie waas geboare
dat bouwde 'ie met elke stien
dat durp het vandaag verloare
't durp is vandaag allien

vur iederien din os is veurgegoan
vur iederien din alles het gegeave
enne gojje mins blieft altied leave

'n leave lang de moeiste kleure
gerimpeld in 't oavendlicht
dat bield dat kos vur iewig deure
de zon, de wind in zien gezicht

't durp mot opnij beginne
't wil allien mar troest en tied
't durp blieft vurleupig binne
't durp is zichzelf kwiet

vur iederien din os is veurgegoan
vur iederien din alles het gegeave
enne gojje mins blieft altied leave

[Tekst en muziek: Jack Poels]

[cd 'Boem', HKM 1991]